

## UGOVOR O JAVNOJ NABAVCI - USLUGE

### Ugovorne strane:

1. **KJKP „Vodovod i kanalizacija“ d.o.o. Sarajevo**, ul. Jaroslava Černija br. 8., Sarajevo, koga zastupa direktor Nezir Hadžić, Magistar uprave (u daljem tekstu: Naručilac usluga) i
2. **Konzorcij: „BDO BH“ d.o.o. Sarajevo**, ul. Dolina br.11, Sarajevo/BiH i **„BDO Croatia“ d.o.o. Zagreb**, ul. Trg J.F. Kennedy 6B, Zagreb/Hrvatska, koga zastupa direktor Ivan Štimac (prokurista), (u daljem tekstu: Pružalac usluga).

### Član 1.

Predmet ovog ugovora je pružanje usluga: "**Usluge revizije finansijskih izvještaja za 2017, 2018 i 2019 godinu**" (predmetna nabavka je planirana pod rednim brojem 349. iz Plana nabavki za 2017.g.), po provedenom postupku javne nabavke putem konkurentskog zahtjeva za dostavu ponuda broj KZ 19/17-P, a sve prema tenderskoj dokumentaciji br. KZ 19/17-P i usvojenoj ponudi broj: 124/2017 od 28.08.2017. godine koja je sastavni dio ovog ugovora.

### Član 2.

Ukupna vrijednost nabavke iz člana 1. bez uključenog poreza na dodanu vrijednost je fiksna i iznosi: **30.000,00 KM** (slovima: trideset hiljada i 00/100 KM).

### Član 3.

Pružalac usluga se obavezuje da usluge koje su predmet ovog ugovora izvrši prema uslovima iz tenderske dokumentacije i prihvaćene ponude.

### Član 4.

Usluge koje su predmet ovog Ugovora će se poručivati zavisno od potreba Naručioca usluga, a po fiksnim jediničnim cijenama koje su date u ponudi Pružaoca usluga. Pružalac usluga se obavezuje da usluge koje su predmet ovog ugovora pruža po pojedinačnim narudžbama u kojima će biti preciziran način i dinamika vršenja usluga, a sve prema uslovima iz tenderske dokumentacije i prihvaćene ponude.

### Član 5.

Pružalac usluga se obavezuje da će poslove revizije obavljati stručna lica u skladu sa prihvaćenom ponudom i da će se u izvršenju posla postupati sa dužnom pažnjom i u skladu sa stručnim standardima i poslovnom etikom. Pružalac usluge se obavezuje da će izvještaje o obavljenoj reviziji dostaviti u roku od 20 radnih dana od zadnjeg dana predviđenog za predaju finansijskih izvještaja za svaku godinu ponaosob.

### Član 6.

Način i uslovi plaćanja su: 60 dana od dana ispostavljanja fakture, na transakcijski račun Pružaoca usluga broj: 1994990031548975 kod Sparkasse bank d.d. i to po dostavljenom izvještaju i ispostavljenom računu od strane Pružaoca usluga.

### Član 7.

Pružalac usluga ima pravo na produženje ugovornog roka u slučaju više sile. Rok za izvršenje usluga produžit će se za onoliko dana koliko je trajala smetnja. Pružalac usluga je dužan podnijeti zahtjev za produženje roka Naručiocu usluga u roku od **3 dana** po nastanku razloga za produženje roka.

Produženje roka utvrđuje Naručilac usluga u pisanoj formi i to u roku od **5 dana** po pisanom zahtjevu Pružaoca usluga.

#### **Član 8.**

Naručilac usluga se obavezuje staviti na raspolaganje sve računovodstvene i ostale informacije i objašnjenja koje se smatraju nužnim za ispunjenje obaveza Pružaoca usluga.

#### **Član 9.**

Pružalac usluga se obavezuje da će nastojati planirati reviziju kako bi sa razumnom mjerom sigurnosti otkrio značajne netačne stavke u finansijskim izvještajima ili računovodstvenim evidencijama, međutim revizija nužno ne mora otkriti sve moguće netačne stavke, prevare, greške i neusklađenosti sa zakonom i regulativima.

#### **Član 10.**

Postupci revizije ne moraju nužno otkriti sve greške i/ili nedostatke koji mogu postojati vezano uz poreske obaveze. Cilj revizije je pribaviti dokaze da gledano u cjelini, poreske stavke u finansijskim izvještajima ne sadrže materijalno značajne greške.

#### **Član 11.**

Pružalac usluga ne prihvata odgovornost za neispunjenje poreskih obaveza Naručioaca usluga (koje neovisno o tome jesu li tokom revizije otkrivene ili nisu) ne utiču na realnost i objektivnost finansijskih izvještaja. Ovim Ugovorm Pružalac usluga ne preuzima obavezu obavljanja revizije poreza.

#### **Član 12.**

Pružalac usluga je obavezan izvjestiti Naručioaca usluga da li po mišljenju Pružaoca usluga, finansijski izvještaji, u svim materijalnim aspektima, realno i objektivno prikazuju finansijsko stanje Naručioaca usluga, rezultate poslovanja i promjene u novčanom toku i da li su u skladu sa međunarodnim standardima.

Pružalac usluga ima obavezu izvjestiti Naručioaca usluga, ukoliko finansijski izvještaji u svim materijalnim aspektima nisu sastavljeni u skladu sa odgovarajućim računovodstvenim standardima, osim ako je po mišljenju Pružaoca usluga, neusklađenost opravdana ili ne, Pružalac usluga će razmotriti:

- U kojoj mjeri neusklađenost utiče na realnost finansijskog izvještaja u smislu objektivnog prikazivanja finansijskog stanja, rezultate poslovanja ili promjene u novčanim tokovima
- Da li je neusklađenost adekvatno prikazana.

#### **Član 13.**

Pružalac usluga će obaviti reviziju u skladu sa revizijskim standardima koji nalažu provođenje testova knjiženja, testova postojanja, testova vlasništva i testova vrednovanja imovine i obaveza. Razumjevanje sistema računovodstvenih i internih kontrola obaviti će se do nivoa koji se smatra prikladnim za razmatranje njihove prihvatljivosti kao osnove za pripremu finansijskih izvještaja i za utvrđivanje provođenja odgovarajuće računovodstvene evidencije.

#### **Član 14.**

Pružalac usluga će prezentirati sve slabosti u oblikovanju, te funkcionisanju računovodstvenog sistema, kao i sistema unutrašnje kontrole, koje uoči tokom planiranja i provedbe revizije sa preporukama i mogućim rješenjima za povećanje efikasnosti poslovanja Naručioaca usluga.

#### **Član 15.**

Pružalac usluge uključuje ocjenu bilo koje značajne procjene Uprave Naručioaca usluga pri pripremi finansijskih izvještaja te ocjenu adekvatnosti odabranih računovodstvenih politika i dosljednosti njihove primjene i prezentacije.

#### **Član 16.**

Godišnja revizija finansijskih izvještaja i dostavljanje izvještaja o reviziji vršiti će se po utvrđenoj dinamici.

Godišnja revizija finansijskih izvještaja podrazumijeva praćenja knjigovodstvenog evidentiranja poslovnih događaja u toku perioda januar - decembar predmetne godine praćenja prebalansnih radnji.

#### **Član 17.**

Osnov za plaćanje izvršene usluge je faktura koju će Pružalac usluga dostavljati Naručiocu usluga, a nakon što je ista ovjerena od strane ovlaštenih lica Naručioca usluga da je usluga obavljena.

#### **Član 18.**

U slučaju kašnjenja u pružanju usluga, do kojeg je došlo krivicom Pružaoca usluga, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Pružalac usluga je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca usluga.

#### **Član 19.**

Pružalac usluga se obavezuje da neće sklapati podugovor ni o jednom bitnom dijelu ugovora bez prethodnog pismenog odobrenja Naručioca usluga.

#### **Član 20.**

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno.

Ukoliko sporazumno rješenje nije moguće, nadležan je sud u Sarajevu.

#### **Član 21.**

Pružalac usluga nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### **Član 22.**

Sve eventualne izmjene i dopune ovog ugovora, ugovorne strane će dogovarati međusobno uz obaveznu pismenu saglasnost ugovornih strana.

#### **Član 23.**

Naručilac usluga može pisanim obavještenjem poslatom Pružaocu usluga, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Pružalac usluga propusti da izvrši predmetnu uslugu u vremenskom periodu određenom u ugovoru;
- ukoliko Pružalac usluga propusti da izvrši sve druge obaveze prema ugovoru koje bitno mogu djelovati na rad Naručioca usluga;
- ukoliko Pružalac usluga bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Pružalac usluga ima prema Naručiocu usluga.

Pružalac usluga, može takođe pismenim putem raskinuti ovaj ugovor, u slučaju da Naručilac usluga ne ispuni obavezu plaćanja, kako je definisano u članu 6. ovog ugovora.

## Član 24.

Ovaj ugovor stupa na snagu kada ga potpišu obje ugovorne strane a zaključuje se na period od 36 (tridesetšest) mjeseci od dana potpisivanja istog. Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ugovora su:

- Tenderska dokumentacija br. KZ 19/17-P
- Usvojena ponuda br. 124/2017 od 28.08.2017. god.

**Za Pružaoca usluga:**

**Za Naručioca usluga:**

**v.d. Izvršni direktor  
za ekonomske i pravne poslove**

Šaćira Mrndić, dipl.oec.

**Konzorcij:**

**„BDO BH“ d.o.o. Sarajevo  
Direktor**

Ivan Štimac (prokurista) za reviziju



**Direktor**

  
Nezir Hadžić, Magistar uprave

**„BDO Croatia“ d.o.o. Zagreb  
Direktor**

Ivan Štimac (prokurista)

Broj: 001-U/2017-217-18-19

Datum: 12.10.2017

Broj: 417/17

Datum: 12.10.2017